

人鏡經

ORIENTALIA  
CHINESE  
V  
G133.76  
T78

V  
G135.76  
T78

1

人鏡經敘

往余奉

璽書觀察兩浙備兵明州明州故東  
南要害訊諜旁午兵使者日董材  
官騎士超距投石或進長竿望雲  
氣覘天吳出沒無寧晷也會天幸  
赤白羽息得以文墨暇討素問諸



方書讀之間治參苓為攝生計庶  
幾無風露憂以當縣官一日之用  
所習醫叟錢雷番番然暇輒詣余  
望其容老而加晬與之譚方脈輒  
有當也嘗手一編名人鏡經以上  
余惟經之為義綦尊且重自軒岐  
嘉惠馮生更設問難以牖來學雖

云方術亦得稱經叟操何義而侈  
名若是乃受而閱之則自人身關  
節脈絡悉肖為圖圖各系以說窮  
源極委燦然明備即隔垣而視弗  
洞于此復有附錄以衍未盡則又  
直溯人道伊始以究極十二經之  
變化靡不鑿有依據余卒業始悚

然流汗謂生人受病萬端攻亦萬  
變治者徒切指下決情形死生之  
命懸于呼吸孰是匪親所遺而屑  
越不講于醫效哉既又為之喜曰  
得是編而廣惠宇內即庸夫少習  
岐黃家言亦能按圖詳說審候尋  
原何至取人七尺玩弄掌股間者  
而折肱稱良猶後已叟老矣為德  
於鄉不欲近名余惟醫自叟而中  
興若之何祕弗傳乃捐大官錢授  
之剖劂而告成事凡卷八附錄二  
精而核簡而括一開卷了然真人  
鏡哉即以經名奚而不可抑有要  
焉叟之說曰不治已病治未病昔

扁鵲朝三見齊王而三進之曰君疾漸矣不治不起王怒叱之扁鵲懼而走王疾而求扁鵲晚矣余往治兵海上廩廩防未然斯其指與叟合然則此亦魚之筌也夫客曰子之言似矣而不思

天子昔以瀚海車師畀爾方叔壯猷之寄茲且嶽嶽藩宣與古大國諸侯等將一邦痿痺凋瘵子大夫實診視之顧安用此方伎為余唯唯否否聞之醫猶相也天下如人一身然陰陽燥濕不一其宜寬猛剛柔不一其用平則致養疾則標攻梁肉藥石自古喻之世有神明經


濟者將無以是編為治鏡乎哉余  
不敏請書其臆以竢 咎

萬曆丙午孟秋穀旦

賜進士中奉大夫浙江布政司右布  
政使前兩奉

勅巡視海兵邊儲按察使提督學校  
副使禮部祠祭司郎中溫陵洪啓

睿敘



刻臟腑證治圖說人鏡經序

余上世仲暘氏仕宋以醫名世神宗擢翰林醫院賜金紫家學傳今父祖皆繼是業源遠而緒分痛余考蚤世無所指授乃從業宗泉王先生先生光祿大夫上柱國穀齋先生後穀齋事

高廟以內科全

皇太后瀕危事

文廟以幼科甦

皇太子風厥立殊勛徵進御院加授太保謹身  
殿大學士名震朝野諸撰摭補偏拾遺剔岐彰  
隱先生出其後學邁凡倫余傳其秘奧道遂行  
爰售知撫院藩臬郡邑諸公歲辛未代巡虬峯  
謝公罹重疾進方餌得異効嗣後療巡鹺潁西  
孫公亦効公改巡江右徵往講醫論道歷三時  
以歸歸則先生卽世矣不獲啓手足心猶痛焉  
人亡書亦散亡矣購其遺得一書曰臟腑證治

圖說人鏡經盡採素靈十二經奇經八脉次第  
彙編每經主之以臟配之以腑繼以圖說脗脉  
步穴所在五運有太過不及平氣而先後之不  
齊六氣有司天在泉淫勝厥復之不一氣運主  
客所臨胥爲民病而又別是動所生之見證脉  
診四時順逆而推陰陽表裏寒熱血氣虛實之  
所因詳五邪十變而斷平病死生之有定各經  
授以藥餌正逆引道隨其氣味厚薄升降所宜

相虛實垂子母補瀉之法內景別喉咽分氣食  
揭七衝四海八會而知榮衛經脉之流行外景  
列正背側圖著頭面胸背腹脇腰脊足股骨節  
而舉形體之悉備手足雖分十二經而周流交  
接條貫互根至簡至妙譬之探竒武庫張樂洞  
庭其義備挈裘於領提網於綱其要舉不必皓  
首窮研丹鉛槧錄而包括無遺也深得軒岐心  
法而高出於諸賢之纂輯會而通之可以辨證

可以處方可以拯疲癯可以壽國脉如運之掌  
矣憶昔統觀素靈若探瀚海屢欲抽思捷徑限  
於蠡測之未宏茲得是編三復雋永先得余心  
之同然求其人惜無序引贊跋可稽考之醫鑑  
有徐仲融者得異人授以葫蘆啓視乃扁鵲人  
鏡經史言長桑君飲以上池之水盡見臟腑癥  
結是經豈扁鵲所遺耶何以又有後賢之緒論  
在也諦疑之必有豪傑之士神符心悟探賸鉤

金鑑  
序  
玄著爲濟世之典用以指畫後人若泛舟以適  
波斯躡蹬以登岱華引之以入兪跗雷公之域  
而不止也先生之書盡爲人取去而獨留以遺  
我是未識爲黃石之秘祇以覆瓿目之而已余  
惟豐城之寶必有鑑別者識之而道必待人以  
行書必得人以傳于以垂不朽事業天下或有  
得其序引以觀而知作者姓名未可知也余侍  
先生纂述協力著有脉經本旨藥性統宗病源  
綱目體仁拔萃靈素樞機非不微有發明未暇  
剗梓而汲汲是編不敢隱秘自私不特爲吾輩  
筌蹄雖以呈縉紳鉅公一縱目焉必能知證療  
之槩斷不爲麤工所誤矣是書扶濟之功豈謏  
淺耶而余之附驥豈不遠哉

萬曆歲在丙午季夏上浣吉旦四明後學豫齋

錢雷謹序

男太醫院醫士錢選

孫

錢世忠同輯

此編原係繕本因錄者膚陋遂致文義有未協次序有不倫尤有戾於經旨者如心圖中多一咽系肺圖中多一食管膀胱圖中多一胞於其內此皆踵前人之為亦由未之經識故爾余乃溯源討源悉本素靈釐正之芟其紕繆黜其重複勿使復淆心目幸有得於目擊者另著於附錄中其臟腑圖照華佗古內照圖御院銅人正背側內圖質而正之諸經絡膠穴所著未的考諸實太師鍼經忽太史金蘭循經滑氏十四經發揮為之哀註而部穴始當矣復著直音俾易誦讀考覈之詳庶體作者之意不敢疑以傳疑云爾

臟腑證治圖說人鏡經目錄

卷之一

肺大腸總圖

二經總論

脉解

肺經脉圖

步穴歌

是動所生見證

大腸經脉圖

步穴歌

是動所生見證

燥金氣運

二經引藥

二經治法

卷之二

脾胃總圖

二經總論

脉解

脾經脉圖

步穴歌

是動所生見證

胃經脉圖

步穴歌

是動所生見證



濕土氣運

二經引藥

二經治法

卷之三

心小腸總圖

二經總論

脉解

心經脉圖

步穴歌

是動所生見證

小腸經脉圖

步穴歌

是動所生見證

君火氣運

二經引藥

二經治法

卷之四

腎膀胱總圖

二經總論

脉解

腎經脉圖

步穴歌

是動所生見證

膀胱經脉圖

步穴歌

是動所生見證

寒水氣運

二經引藥

二經治法

卷之五

心包三焦論

心包經圖

步穴歌

是動所生病

三焦經圖

步穴歌

是動所生病

相火氣運

補瀉溫涼引藥

卷之六

肝膽總圖

二經總論

脉解

肝經脉圖

步穴歌

是動所生見證

膽經脉圖

步穴歌

是動所生見證

風木氣運

二經引藥

二經治法